

# **BREMERHAVEN FIX VERGNÖÖGT**

**SAIL 2015**

T: Jürgen Wahlen / M: Gerd Blancke / GEMA 15.724.129

1. Wenn groode Veermaster in'n Wind  
dor buten op de Weser sünd.  
Wenn sik de Lüüd ut Nah un Feern  
'n Schiet üm Sünne un Regen scheern.  
Wenn de Muskanten speelt vergnöögt  
un Oold und Jung sik bös' wat höögt,  
denn is de Tiet mal wedder dor,  
denn hebbt wi SAIL un denn is kloor:

Refr.: Kinners, dat geiht wedder los,  
Bremerhaven hett sien Spooss.  
Nüms sitt op sien Achtersteven,  
alltohoop wüllt wat beleven.  
Fierd op't Water un an Land  
dat schönste Fest - vun de Waterkant!

2. Wenn överall op jeden Clipper  
de smucke Deern danzt mit den Schipper.  
Un wenn de Havenwelten rockt  
un Windjammers de Quiddjes lockt.  
Wenn de Kaptein sik mit sien Smootje  
'n Buddel Rum kredenzt, ganz suutje,  
denn is de Tiet mal wedder dor,  
denn hebbt wi SAIL un denn is kloor:

3. Wenn buten dusend Segel trecken  
un sik de Lüüd den Hals verrecken.  
Wenn de Janmaat nich lange snackt,  
sien Leevste gau to'n Danzen packt.  
Wenn öber'n Kopp de Möw' all treckt,  
wenn di dat Matjesbrötchen smeckt,  
denn is de Tiet mal wedder dor,  
denn hebbt wi SAIL un denn is kloor: